

K-VI-6



Generosa Domine

I

Generosa Domine Lukaskuudis.

Anna M.

GENUS



Opuscula in suis Miscellaneis sub III<sup>e</sup>

contenta sunt?

1. Carmen gratulatorium in laudem Ing. Adol. ab Alb. Deogen. Crac. 1630
2. Debitum pietatis A.R. et Exc. sac. Vitellio a Joach. Speronowic. Crac. 1638
3. Aurora natalium Jh. ac M.D. Adam. Hieron. Sieniański. Sub. Stan. Opatowski Crac. 1638
4. Hellenodice virtuti, quam cum fide &c. opera Joach. Speronowic Crac. 1638.
5. Elisei Avinionensis ad Danhecanos bellum et arma circumspicientes Epist. 1638.
6. Vindicta p. Cornelio Tacito a Nicol. Houskowsky. Convitiatoris, opposita Crac. 1638.
7. Arctos Sarmatica, quæ gener. Juv. ab Alb. Samborsky monit. Crac. 1638.
8. Nubes Hippocratis Chæ. Doct. Viri Andr. Wolfowicz a Thom. Caneveni dic. Crac. 1638.
9. Icon virtutis et laboris immortaliæ in Ven. ac Exc. D.D. a Nic. Tatowicz Crac. 1638.
10. Pietas enudita, seu oratio de nexu piet. cum erudit. Joan. Alb. Paris. Crac. 1638.
11. Svara Episcopalis Jh. ac Exc. D. Andr. Zybicki. Ep. Luceor. a Daniel. Ohebusz Crac. 1638.
12. Icon heroum virtutis Gen. ac M. Joan. Dehenzky a Joan. Gynersky. Crac. 1639
13. Colofus immortalitatis Jer. ac Pol. Vlad. IV. a Bathas. Stan. Pruski. Lublin. 1638.
14. Felix Luceonia in primo ac Solemni Andr. Zembicki. de. Balt. St. Pruski. Lublin. 1639
15. Planctus in obitum Jh. ac Exc. D. Dece. in Olyra. Duce. a Balt. Stan. Pruski. Var. 1637.
16. Nenia na smierci niezmiertelnej Andrzeja Jaklin. kiega Krak. 1638 p. M. J. R.
17. Heroama pietis ad festu nuptiale de. a Joan. Gynersky.
18. Procebus causæ in iust. et perfidum Marcum Tullium, Decretum. Cr. 1636.
19. Aureus Trionis Sarmatici impus a Ludov. Christoph. Millerus Crac. 1638.
20. Minerva plaudens in Aula D. Jagiellonis ab Adamo Nowakowski. Cr. 1638.
21. Dona Gratiarum Ven. D. Mart. Stan. Wolfowicz. p. Valerianu. Alnpek Cr. 1638.
22. Rosa prædatione a Ziemie do nieba v. Kar. pogri. Mikol. Laurinowicz. K. Kr. 1638.
23. Metamorphosis Apollinis et nove. Musæ a Joan. Nicol. Gynersky. Crac. 1637
24. Urag. civis Jh. D. Stan. Lubomirski. de. Joach. Speronowicz. Crac. 1638.
25. Stephanion Studii Philosophici Ado. D. Sub. Stan. Opatowski. Crac. 1638.
26. Paterna felicitas cl. ac doct. Viri andr. Wolfowicz a Joan. Gynersky. Crac. 1638.
27. Gratulatio Jh. ac Exc. D. Stan. Grochowicki. Archiep. eleg. a Mathia Jfbozio Cr. 1635.
28. Lenopadeia seu in uerna renou. Aud. acad. Oratio a Steph. Nizczek. Cr. 1638.
29. Gratia nuptiales cl. et Exc. D. Stan. Spinek. de. a Joan. Gynersky. Trzebiniski.
30. In occursum Jer. Pol. inrich. Pina Vlad. IV. de. Acad. Raimyde. volum. 1634. Petrus
31. Joppes volum. p. felici et exopt. in celum Adami Opatowii a Joach. Speronowic Cr. 1638.

Authores

1. Alnpek Valen. an. 21.
2. Avinionens. Elisey. 8.
3. Anonym. 16. 18.
4. Caneveni Thomas 2.
5. Gynersky Joann. 17. 17. 29.
6. Deogen. Albert. 1.
7. Tatowicz Nicol. 9.
8. Jfbozio Mathias 27.
9. Gynersky Nicol. 28.
10. Gynwaldt Joann. 26.
11. Laurinowicz Mikolay Franc. 22.

12. Millerus Lud. Christoph. 19.
13. Nizczek. Steph. 28.
14. Nowakowski Adam. 20.
15. Opatowski Stanislaus 25.
16. Ohebusz Daniel 11.
17. Paris Joann. Albert. 10.
18. Pruski Bathas. Stan. 13. 14. 15.
19. Samborsky Albert. 7.
20. Nowikowski Nicol. 6.
21. Speronowicz Joachim. 2. 4. 29. 31.
22. Trzebiniski Petrus. 30.



10

TIARA  
EPISCOPALIS.

*Illustrissimo ac Reuerendissimo Domino*

D. ANDREÆ GEMBICKI,  
EPISCOPO LVCEORIEN.

TRZEMESNEN. ABBATI,

IN PRIMO AD EPISCOPATVM

LVCEORIENSEM

ingressu,

A

M. DANIELE OTREBVSZ,

*Collega Minore: in Alma Academia Cracouiensi*

*Professore, summae obseruantia nomine*

oblata.

*Excellenti Dño M.  
Sicilensky profe  
Dialohecs.*

CRACOVIAE,

In Officina Typographica Francisci Cæsarij,

Anno Domini 1638.





ORATIO



CRACOVIA

In Officina Typographica Francisci Celsi  
Anno Domini 1538.



# ORATIO.



**C**ELEBRERIMVS hic dies radio-  
rum augustis splendoribus illuxit, Illu-  
strissime ac Reuerendissime Domine,  
quando cæli & Numinis felici auspicio,  
Serenissimi Regis VLADISLAI IV.  
voluntate, Senatus Amplissimi con-  
sensu, votis omnium bonorum, & comprecatione, SEDIS  
APOSTOLICÆ auctoritate, & comprobatione, in  
hoc Regno Episcopale fastigium conscendisti; quando  
pulcherrimis virtutum decoratus ornamentis, adisti pos-  
sessionem amplificandæ Religionis sanctæ, legum tuen-  
darum, Iuris Diuini confirmandi, & conseruandi studium  
suscepisti, à Deo Opt: Max: mutuatum, ab ipsius cæli di-  
manans arbitrio, vt in Luceoriensi Diœcesi veluti colu-  
mna ignis, altè honorum amplitudine euecta, ad quietis  
& optatæ tranquillitatis statua, Tibi subditos fideles de-  
duceres, incredibili virtutum lumine in animos vniuerso-  
rum transfundens voluptatem. Hunc geminum in ipso  
iustæ ætatis flore Tibi delatum honorem, & recenter in  
lucem hanc amplissimæ dignitatis inaugurato, syncerâ  
omnium consensione, effusa gratulatur multitudo, tan-  
tùm omnibus lætitiæ & iucunditatis per Te sperans alla-



tum iri, quantum ex Tuo conspectu, & plena veneratio-  
nis maiestate, vniuersum colligit Regnum. Atque istius  
communis hilaritatis præclaram significationem, quam  
ex multorum Tibi gratulantium, oculis, animis, & vultu  
legis, plausibili excipit & complectitur affectu Nobilita-  
tis splendor, hæc Regni decora Tuo lateri circumfusa, hæc  
confertissima lætantium agmina, meritis Tuis, non sine  
iucunditatis, ob tantam dignitatem sensu, maxima repo-  
nunt testimonia: dignum Te Luceorien. Episcopatu vi-  
deri. In cuius animi penetralia, quæ nobilitati dignita-  
tem, & splendorem conciliare, non solum vulgi opinio-  
ne, sed sapientum decreto valent, eam vniuersa, ad decus,  
& supremam maiestatem, tantâ cum conspiratione con-  
fluxerunt, vt quanto augustior Tu, & virtutum ornamen-  
tis splendidior, Diocesim istam florentissimam exornas:  
tanto illa fortunatior, cui, ex præsentia Tuâ, & conspe-  
ctu iucundissimo, rarum prudentiæ, simulque concinnû  
decus, illustris sapientiæ exhibeas, & magnam inipertias  
voluptatem. Cum Vrbe florentissima, Nobilitate fre-  
quentissima, ipsæ templorum sanctissimæ aræ, ad Tuam  
amplissimam dignitatem ornandam, ad honorificum in-  
gressum complectendum, se commouere videntur, atque  
cum grati officij excipere pietate, ob cuius mirificam ad-  
tuendum Diuinum cultum voluntatem, summam reco-  
gnoscunt Serenissimi Regis nostri prudentiam, quod eum  
ad munus Apostolicum Episcopatus Luceorien. designa-  
uerit, quem virtus mediocria ignorans lumina, moribus  
splende-



splendescens antiquis; bonitate prædita, fortitudine gloriosa, humanitate amabilis ornauit, indoles ex virtutum harmonia ad vnguem composita omnibus acceptum reddidit. Hæc duo ardui pastoralis regiminis prælidia Ciues Regni Poloniæ conspicati, non dubiam spem habent, Te ita à pijsimis parentibus educatum, vt in omni principe digna doctrina & vitæ integritate feceris progressum, munus Episcopi cum dignitate & fructu Christi fidelium administraturû, & expectationi de se conceptæ satisfacturû. Et cum omnes omniû conditiones, omnes hominum statûs, in Te virtutum sublimium famâ excitati, desiderio incendantur summo, vt eum oculis vsurparêt, cuius singularem prudentiam, morum sanctimoniam, non tenuioribus rumusculis, sed clarissimis testimonijs accèpissent; quo tandem animo, qua cogitatione, nos esse oportebit in Te ipsum, quem in his publicis fortunæ ærumnis, inter tot hostium obreptantium agmina, quasi exælestis breui affuturæ benignitatis internuncium accepinus, & mox sollicitum legum, & immunitatum nostrarum propugnatorem experti sumus. Fuit virtutis Tuæ Illustr: Præsul, Tiaræ Episcopalis, honoris tam excelsi solidam gloriam promeruisse: nostræ etiam felicitatis sit, Te istiusmodi insignibus decoratum intueri. Tu ob inlignem prudentiam, constantem patriæ caritatem, indefessum Religionis propagandæ studium, in amplissimum & grauissimum Episcoporum ordinem, quasi in Theatrum totius orbis clarissimum subuectus es; vt nos, ex isto honorificentissi-



mo de Te summi Pastoris iudicio, in partem communis  
laetitiae vocaremur. Quapropter in hac publica gestien-  
tis Luceorien. Diocesis, ex primo Tuo aduentu, laetitia  
in hac iucunda ob Tuum conspectum celebritate, tam  
lato populi consensu, cum omnes mirifico Tui visendi  
studio ferantur: quæso obtestorq; Te Illustrissime Do-  
mine, ut tecum tacitus Tua bona recognoscas. Hac  
namque ex consensu publico omnium gestientium perfe-  
cta non foret hilaritas, nisi Tu simul, in memorandam re-  
rum à Te gestarum venias recordationem.

Ac primum ut insignis eximiaque claritate fulgens  
Tua virtus, ex præclarissima omnium existimatione, non  
modo acciperet incrementa, verum in Christi fideles  
sibi subiectos felicissime idem iacularetur; eo splendore  
maiorum Tuorum profecta est, quos ob honorem, au-  
thoritatem, fortunas, & heroicam sanguinis inclyti pro-  
pagationem, & agendi dexteritatem, Sarmaticus hic or-  
bis imitaretur, alieno Sole calens veneraretur. Etenim  
cum tria mala potissimum sæculi cuiusque solent fælicita-  
tem obducere, vitium, ruditas, vilitas, à quibus & nuper  
mortalium ingenijs calamitas venit. Enituit aliquis in  
bello, sed obsoleuit in pace; alium roga, sed non arma  
honestarunt; reuerentiam ille terrore, alius amore huma-  
nitate captavit; ille quæsitam domi gloriam in publico,  
hic in publico partam, domi perdidit; multi lucentem fa-  
miliæ ignem, otiosis penetralibus absconderunt; multo-  
rum generosam animorum amœnitatem Bellona oppres-  
sit, mo-



lit, morum detestanda inuexit errata. Neglecta virtus in proprio solo seruitutē inuenit: proculcata doctrina, non poterat, nisi cum mala fortuna habitare: ignorata nobilitas, & ingenti temporum vmbra septa, vix extra squalorem erat. Postremo nulla adhuc familia extitit, cuius virtutes nullo vitiorum confinio laderentur. Tuæ Illustriss: Præsul familiæ splendorem, à fonte & origine magnum, à stirpe & radice inclytum, naturæ dona, sapientiæ studium, tanta concordia, tantusque concentus omnium laudum, omnisque gloriæ commendat, vt ipsa nunquam intermoritura fama, ad gloriosam recordationem Maiorū Tuorum, longo annorū interuallo conspirasse videatur. Polonia nobilitatis veræ seminarium, libertatis asylum, hostium propè innumerabilium victrix, Domus & Familiæ Tuæ amplissimæ summam recognoscit dignitatem, & obseruat authoritatem, tanquam illius, cuius semper maxima & præclarissima in publica omnium tuenda salute, officia extitissent, eluxissent ornamenta, non minus ad ipsius pulchritudinem generis, quàm ad virtutis Tuæ, commendationem deriuata. Iusta annalium monimenta, & prægrandia volumina, res à maioribus Tuis, excelsa fortitudine, & inuicto animo gestas comprehendunt. plena sunt antiquitatis testimonia, luculentissima rerum secula, quæ Gembiciorum, in vtraque Christiani status Republica virtutem, in rebus magnis dexteritatem, conficiendi celeritatem, gloriosè posteris loquuntur, & feris narrant nepotibus. Et me hercule virtutē conspicui Maiores. Tui in-



Tui, inter amplissima Regni decora, & Ordinis Senatorij  
lucidissimas lâpades, diuino collocati oraculo, quidquid  
utilitatis simul felicitatisque optatæ in vniuersam patriam  
contulerunt, totum id cum Maiorum Tuorum virtuti,  
tum annalium veritati debetur. Sed fontem petere remo-  
tū est; radicem scrutari longum. eorum enim in Rempub:  
promerita, illamque annalium monumentis peruagatam  
in publico bono tuendo fidem, qui verbis exprimere vel-  
let, is mea sententia, Solis lucem inaccessam, cuius fulgo-  
rem oculis ferre non potest, dicendo explicare vnâ pote-  
rit: vtriusque longè patent termini, latè fulgor emicat exi-  
mius. Vestræ familiæ, laus & felicitas, nullâ temporum  
variêtate poterit vnquam in Illustrissimo olim Laurentio  
Gembicki, acerrimo illo honestatis, & libertatis publicæ  
vindice & assertore aboleri. Qui postquam non fortune  
variatione, aut fatorum errore præcipiti, vel eblandito  
populi fauore; sed Optimi Maximiq; Dei voluntate, tum  
expressa & enucleata Regis Serenissimi Sigismundi III.  
beneuolentiâ, Præfulis & magni Senatoris gradum sibi  
delatum esse recognouit, omnem mentis aciem ad tu-  
endum cômune bonum direxit. Hic illi gradus ad Rem-  
publicam primus, hic primus aditus ad existimationem,  
& ascensus, beata Ciuium vita, opibus firma, copijs locu-  
ples, gloria ampla, virtute honesta. Utque alij nobilissi-  
ma gente proficisci, clarissimis Maiorum illustrari titulis,  
in maximo fælicitatis gradu reponunt, hoc ipsius propri-  
um, & ita perenne, vt omnium somnos eius vigilantia de-  
fende-



fenderet, omnium otium eius labor, omnium delicias,  
eius industria, omnium vacationem, eius occupatio. In-  
ter prima Senatoris boni stemmata reposuit, qui se patriæ  
arctius obligasset, atque in eminentiore collocatus spe-  
cula esset; cum auxilia cuncta labefactari, aut in discrimē  
non dubium vocari videat, opera, consilio, fide, omni-  
busque præstandis studijs non defatigari. Etsi omnium  
Pontificum in Regno Poloniæ magna amplitudo sit, &  
dignitas: quorum sapientiæ, fidei, potestati atque tutelæ,  
non modo templa, altaria, sacra religio, ceremoniæ, sa-  
lusque omnium commissa est atque credita: Sed Reipu-  
blicæ quoque cura cōmendata: hæc tamen primo, & sin-  
gulari quodam iure, Archiepiscopatus Gnesnen. sibi ven-  
dicat omnia: ut qui perpetua quadam Pontificis maximi  
legatione fungitur, & Legatus natus Sedis Apostolicæ  
nominatur. hic pacis publicæ, communis libertatis, ac  
fidei custos, & tutor est primarius, cum summo Reipubli-  
cæ bono. Etenim quantum saluti, & integritati Rerum-  
publicarum talis Pontificum prærogativa conferat, co-  
gnouerunt etiã rerum Domini veteres illi Romani, à ve-  
ri Dei cognitione alieni; quorum eloquentissimus M. Ci-  
cero, pronuncians; nihil præclarius à Maioribus suis in-  
uentum atque institutum fuisse, quàm quod eosdem Pon-  
tifices, & religionibus Deorum immortalibus, & summæ  
Reipub. præesse voluerint, ut amplissimi & clarissimi ci-  
ues Rempub. benè gerendo, Pontifices religiones sapi-  
enter interpretando, Rempub. conseruarent. Grauius



hic de suis, in errore censuit. At nos sub frigida Septem-  
trionis plagâ, veræ immortalitatis, & synceræ religionis  
cultores, si iusti rerum æstimatores erimus, verè iudica-  
bimus: Rempub: nostrâ Poloniam vel ideo maximè, supra  
fortunâ omni ætati, tempori, posteritati propositâ ad mi-  
raculum esse, quòd post susceptam religionem, eosdem  
semper & Reipublicæ, & Religionis præsidēs habuerit  
Pontifices: quorum si labafactes dignitatem, squallebunt  
subitò omnia: si auctoritatem infringas, crassis obducis,  
& circumfundi tenebris vniuersâ, derepente videbis. ho-  
rum sublata iurisdictione, non amplius ordini, non liber-  
tati, non concordiæ, non fidei, non vlli denique bono lo-  
cum superesse, multarû nationum multa docuerunt ex-  
empla. Et quemadmodum anima, dum ex hoc corporis er-  
gastulo euolauit, & calor vitalis ossa reliquit, ex templo  
videmus omnia vitæ munia collabi, de sensu actum, faci-  
dam succedere colluuiem, & corpus tabo confectum su-  
perare inglorium & sine nomine truncum. quid non pa-  
riter infesti infausti quæ Reipub. fideli Pontificum cura  
destitutæ metuere æquum est? scilicet pro labore desidi-  
am, pro continentia, & æquitate libidinem, atque super-  
biam inuadere, Dei cultum negligi, omnia venalia haberi,  
fortunam simul cum moribus immutari, denique imperi-  
um ex iustissimo atque optimo crudele, intolerandumq;  
fieri. Quocirca in Polonia à paruis initiis virtute Nobi-  
lium in immensum auctam, vt vis maligna eiusmodi fa-  
ti nihil potuisset, Gentis quæ vnius tam diuturnum Impe-  
rium,



rium, Regnum Europæis Principibus formidandum, vni-  
moribus, vni legibus, vna libertatis intemeratæ ad lon-  
gum tempus incolumem ferret ætatem; prudenter ma-  
iores nostri, cum cæterorū Pontificum, tum maximè Ar-  
chipræsulis Gnesnen. dignitatem sartam tectamque esse  
voluerunt. Atque vt singulis obseruantia suæ & studij  
erga hanc Sedem extaret argumentum, Augustissimo Pri-  
matis nomine & munere, Archipræsulem Gnesnen. ho-  
nestarunt. Hinc, si quando afflictæ miseris temporibus,  
aut perditis moribus, dogmatifue quorumcunque homi-  
num perturbata Ecclesia fuerit, huius est tandem in vete-  
rem libertatem, & dignitatem restituere: aut si quæ fortè  
tempestates, ac temporum varietates in Rempub. incide-  
rint, earum hic moderator quidam, & quasi gubernator  
est. Omnia, quæ salutaria sunt, quæ moribus, quæ maio-  
rum institutis, quæ legibus in hac Republica continen-  
tur, quæq; religione suscepta sunt, latent in tutela & pa-  
trocinio Gnesnen. Archiepiscopi. Huic Regem declara-  
re & inaugurare ius est: hic Regis quidam aliptes, oleum  
lætitiæ cum eodem communicat: hic Regem armat gla-  
dio, ornat diademate, decorat sceptro: ipsam deniq; vim  
ac potestatem regni datam diuinitus regio pectori infe-  
rit, vt vel propterea meritò Regis & Regni pater appelle-  
tur. In hanc igitur Sedem Illustris Antistes euectus, ad  
præclara maiorum exempla, & instituta, vitam & omnes  
conatus suos pulcherrimè composuit: atq; ad ea omnia,  
quæ prouidenda sunt in Repub. & animo paratus erat,



& consilio. Cùm autem amplissima in Republica Archiepiscopalis dignitas, quali arx patriæ, libertatis & legum patrocinium, ad Ecclesiæ & Reipub. amplificationem suscipiatur, prima illi, postquam ad eum honorem ascendit cura fuit, salutis publicæ retinendæ. Quod enim in curia, Rostris, Senatu, fuit negocium, siue publicum, siue priuatum, siue ad honestatis cultum, siue ad vtilitatis rationem pertineret, quod eius consilio, & tutela vacaret? Omnia pro natura benignè, pro ingenio prudenter egit. Utque Sol & dies, non parte aliqua, sed statim totus, nec vni, aut alteri, sed omnibus in commune profertur; Sic ille ad Episcopalem & Senatoriam euectus dignitatem, nunquam in diuersum studijs abripiebatur: quæ sentiebat, eadem loqui non fuit veritus, in partibus nunquam esse voluit (quæ sunt in societate virtutes maximæ) sed quæ Reipublicæ vtilia & honesta, eadem sibi putauit, nihil apud illum venale, nihil cuiusquam ambitioni peruium. Adeò integrè in omnibus Reipublicæ rebus versabatur. non eum impensæ, non pericula, non itinerum longinquitates, non ætas à caritate Reipub. poterant auellere vllaquam. Curæ illi in publicis, curis: quidquid in otio alij meditabantur: & cum grauissima Regni negotia tractaret, sapientiæ adhæsit, cum iura, leges, libertates, fas, iustumq; vniuersum moderaretur, & liberalitatem Principis, velut sanguinem vitamque in omnia Reipublicæ transmittit membra; Scholarum labores non permisit exarescere, ingenia æstimauit, qui suum excolluit; artes promo-



promouit, quas olim ipse didieit; virtutes fouit, quas vita moribusq; expressit. Quantum temporum felicitati studuit, Sarmaticus loquitur orbis, in cuius duris asperisq; rebus, semper eius sic enituit prudentia, & in consilijs dandis salutaribus eluxit synceritas, vt nulla aut ambitionis, aut prauæ cupiditatis in eum caderet reprehensio. nihil iuris in eius consilia temeritas, nihil fraus, totum virtus habuit. Suadere Principi ausus est optima, quia fecit; & exequi, quia suavit. Ecclesiam Dei, quam sancta sua, Apostolorumque suorum voce Christus fundauit, pro viribus defendit; quia ipsa cælorum Regina, & Filius Dei Rex, hunc indefessum laborem, æternum beant, tantos sui Veneratores, ornant immarcescibili æternitatis corona. Denique tantum meruit de Regno, de Ecclesia, tantum sibi Ordines obligauit omnes; vt ex eius meritis redundaret, quod posteris etiam suis solueretur. Et me hercule nisi Illustrissimus & Reuerendissimus D. Petrus Gembicki, meritis in patriam proprijs, & antecedentibus aulæ officijs niteretur; propter illum Archiepiscopum, qui Patriæ, Regj, Ecclesiæ, defuit nunquam, dignus amplissimis in Republica honoribus videretur. Sed vt neque eius merita periisse quisquam dixerit? quis enim metallum aut æs perire præsumat cū liquefeit, & ex eo funditur statua? Minimè gentium perire: sed honestantur: idem in illis, quod ex informi massa, in splendidam Dei imaginem transijt? Ita Illustrissimus ac Reuerendissimus Petrus Gembicki, licet satis



meritorum ex Illustrissimo Archipræsule ad omne in Re-  
publica genus honoris prensandum habuisset, non tamé  
ambitione, aut instructâ maiorum suffragatione, sed can-  
dore atque fideli obsequio, quæ demum summa laus ha-  
betur, præmium suæ virtuti posuit. Ergo postquam ille  
Archipræsulis animus omni exaggerata virtute, ad mira-  
culum futuræ posteritati cumulatifsimus, veluti genero-  
sus ales, mortalitatis exuijs depositis, cæleste prytanæ-  
um & Capitolium adiisset, & Apotheosi meliori, quàm  
vnquam Romanorum Augusti, in arduis cæli nidum su-  
um collocasset. Illustris & Reuerendissimus Petrus Gem-  
bicki à funebribus tholis ad Aulam Serenissimi Regis Si-  
gismundi III. concessit; nullum benè de Republica me-  
rendi tempus omisit, tanta diligentia, & fide, negotia Re-  
gni tractauit; vt nec in aggrediendo recta voluntas, nec  
in perficiendo integritas defuerit. Nulla causa emerfit  
tam perplexa, quàm celeritate consilij non explicaret;  
nullum negotium tam arduum, quod bonitate ingenij fa-  
cilè non expediret; nulla res tam latenter se insinuarat,  
quàm multò ante non prouideret. nullum omnino ne-  
gotium tam difficile fuit, quod consilio regere, integri-  
tate tueri, virtute conficere non posset. Hanc itaque to-  
lerantiam Sapientissimus Rex Vladislavus III. assiduita-  
tem, pertinacem laborem, quem aulæ, & negotijs publi-  
cis etiam olim dominante Serenissimo Patre Suo, maio-  
iore studio & affectu in præstandis officijs, quàm re-  
muneratione impenderat cernens, vbi rerum feliciter  
potitus



potitus est, volebat esse studio, & fauore suo honorificè  
amplificatum. Atque ne solius Principis gratiâ in altum  
tollì videretur; omnium illum proposuit oculis spectan-  
dum: cum Secretarij Maioris munus illi contulisset. Præ-  
clarum sanè documentum, quantum ad Serenissimi Re-  
gis expectationem, quantum ad Nobilissimorum Ordini-  
um desideria & fælicitatem Augustæ Domus pertineret.  
Hic enim honos in Republica Illustrissimo collatus do-  
cuit, vnâ cum Republica Gembicios creuisse; fuisse ma-  
iores Augustæ Domus, qui pro salute inuictissimorum  
Regum (horum adhuc omnium prototypon est Illustris-  
simus Stephanus Castellanus Rogosinen.) qui pro tute-  
lâ finium patriæ, ad internecionem hostium fidissima ar-  
ma sumpsérunt, merueruntque inseri summis Equitum  
Ordinibus, & multis ditionum latifundijs, velut hosti-  
mento laborum cohonestari. In illorum perquam venu-  
sto aspectu, qui paulùm moratur, lineasque primas con-  
templatur, fatebitur vltro illorum vultum, non adstititi-  
um, aut ad tempus sumptum, sed ad perennem famam  
inclytæ domus duraturum, In Illustrissimo & Reuerendis-  
simo Petro Gembicki Episcopo Præmissien. Cancellario  
Regni Poloniæ dignissimo effloruisse. Sic nempe & aqui-  
lis annosis redintegratur decor: sic natali funere dece-  
dens, succedensque iterum Phænix suis met exuuijs rese-  
minatur: sic angui pristinus renouatâ pelle immigrat  
vigor. Hac enim temporum iniquitate, & rem in dete-  
rius æuo protrudentem, Illustrissimo & Reuerendissimo  
Petro



Petro Gembicki Regia Maiestas ad Cæsaream Maiestatem legationis munus, à felici Regni sui aditu indixit; eum consiliorum suorum interpretem, & voluntatis in rem Christianam testem designauit. In ea legatione, secundum vota Serenissimi Regis suscepta, cum auctoritate Reipub. peracta, quàm feliciter pro Germania armis domesticis afflicta laborauerit, quibus consilij, quauis orationis suauitate Cæsareæ Maiestatis, animum diuturnis hostium offensionibus exulceratū leniuerit, mitigauerit, & prope exarmauerit: quantum de Serenissimo Rege & Reipub. meritus fuerit: aderunt sanè ingenia præclara, quæ ad hæc laudes celebrandas, quidquid virium contulerint: semper in recenti adhuc sapientum memoria plura restabunt encomio prosequenda. Recordabuntur hi, cum quanto Serenissimi Regis solatio, Polonorum celebritate, obtulisset simul fidem & animum ad vtramque fortunam sustinendam non imparatum, cum in grauissimo illo Reipub. casu, Moschorum impetus, totumque Septentrionem in nos armatum, coërceret, & sustineret Rex potentissimus. Reminiscuntur quàm prudenter, Regis iussu pactationibus illis & fæderibus, quæ transmarinus hostis postulabat interfuisset. Recognoscent, quàm consilio magno, in orbitate à morte aliquot Præsulum Nobilissimæ Diœcesis Cracouiens. Administrationem sustinuisset: quanto labore vim & iniuriam à rebus Ecclesiæ prohibuisset, iuridicundo religiose, & grauiter præfuisset, clero cultum & vestitum decentem imperasset, ab



Maieſta  
ndixit;  
atis in  
ae, ſe  
thori  
armis  
quae  
iutur  
gaue  
Rege  
clara,  
con  
noria  
dun  
ono  
ad  
cum  
to  
ut  
de  
ant  
nt  
e  
to  
us  
er  
f  
b

ſet; ab Eccleſijs diſcedentes, locis ſuis, & Eccleſijs reſti  
tuiſſet. Libenter, libenter equidem reputabunt eius in  
gentem in patriam & Eccleſiam amorem, quorum gratiã  
proprijs etiam fortunis parcere nefas duxit. Et cùm hæc  
recolligente vt tam eximium Cancellarium, Deus diu  
tiſſimè incolumem producat, exaugeat, religioſè exo  
ptabunt. Miraculi vicem ſubit Illuſtriſſime Antiſtes, quẽ  
nũc inclyti Regni Procerũ gratulationes, Cleri vota, No  
bilitatis acclamationes, populi ſtudia, & comprecationes  
Episcopum Luceoriensem ſalutant, Tibi ex Illuſtri ma  
iorum proſapiã natales contigiffe. Campus eſt hic gloriæ  
Tuæ ampliſſimus, præuiſſe Tibi maiores ab auitã pater  
nãque ſtirpe multa per ſecula, in ſe velut orbe redeunti  
bus annis, rei benè gerendæ natos. Fuiſſe Illuſtriſſimum  
Laurentium Gembicki Patrum, animi magnitudine, &  
caritate in Patriam florentiſſimũ, Archiepiſcopum Gne  
ſnen. Eſſe fratrem Illuſtriſſimum Petrum Gembicki, Su  
preum Regni Cancellarium, Iuris Diuini & Ciuilis ſci  
entiſſimum: toga, ſago, poſthumis etiam temporibus Ca  
ſtellanum Rogoſinenſem fæliciffimum: Ioannem Gem  
bicki, Cancellariæ maioris Regentem: cuius adoleſcen  
tiam velut agrum quendam, ſemina Diuinitatis tam benè  
ſubactum fæcundarunt, vt de vberriſſima meſſe ſpes Rem  
publicam alat, minimè fallax. Similia enim origini pro  
deunt, & pariã his, ex quibus orta ſunt, pullulant. non  
deſſe eiufdem cognominis alios, quos cum Perilluſtri  
D. Chriſtophoro Gembicki Dapifero Regni, Capit: Gne  
ſnen. nul

C

nen. nullo fascino moderetur publica lætitia: sit vera se-  
ros in nepotes Domus Vestræ augustæ fælicitas, fenescat  
que seclis innumerabilibus. Fælicem Te cui virtutis aui-  
tæ, heredem esse è superis datum; fæliciorẽ, quod in  
ætate, nondum consilio aut iudicio maturiore corrob-  
rata, circumspecta ad omnes vitæ actiones ex litteris ac-  
cessit prudentia, viamque planam, nec ullis obseptam  
impedimentis, ad omnem gloriæ, & dignitatis eursum  
Tibi patefecit. Et ne in ipso virtutum cursu aduersum &  
infestum affectionum genus, quod dominatum in homi-  
nes non paucos sibi usurpat, generosæ indoli Tuæ obsu-  
isset, solidissimum contra blandientis ætatis illecebras,  
virtutum omnium, quasi tenuiore solo iecisti fundamen-  
tum. In Academia Cracouiensi antiqua Schola Regni  
efformasti tenellum intellectum, ad quæuis sublimiora;  
animum pietate, quam lapidem angularem cæteris virtutibus  
superstruendis esse, nemo negauerit, imbuisti. Vos  
luntas legitimis moderationum cancellis, ad virtutum  
amplexum optimè perficitur, auspicijs, ductu, Præceptorum  
& Professorum, in Academia Cracouiensi ex virtutum  
harmonia ad vnguem compositorum: idque non in  
vmbra & diuerticulo ab hominum societate remoto; sed  
in Palæstra concursui iuuentutis è nobilitate destinata;  
in qua quantum libraris generosissimæ indolis Tuæ vi-  
res, dicere sufficienter poterunt, qui fuerunt eius rei spe-  
ctatores, & admiratores. Ipse sanè euentus satis luculen-  
ter hoc depingit. Quæ pueritiæ transactæ præconia ea-  
dem &



dem & adolescentiæ. ita enim vitam instituiti, vt concen-  
tum. quendam actionum honestarum, quantum ætate  
suffragante liceret, induxisse videaris. Paucos reperiās, qui  
consilio se suaque disponunt: plerique dum vitæ instru-  
menta conquirunt, vitam transeunt: & eorum more,  
quæ fluminibus innatant feruntur, non eunt. Vt enim  
lenior vnda aliqua detinuit: quædam rapidè cursu ab-  
repta, quædam ad ripam impetu languescente, deposti-  
ta videas, alia deniq; torrentis violentiæ deiecta in pela-  
gus: sic & adolescentiæ mores, aut molliores, aut vehe-  
mentiores, impari conamine adhibita cura, & illecebra  
distinguit. Nihil in hac adolescentia speciosa libertatis  
nomina, nihil cerea, & flexilis in vitium licentia sibi po-  
stularunt. Prudentiæ Tuæ fuit, quod superbia indiscreta  
felicitum pedissequa procul à Te ire iussa: quod nihil fra-  
gili ostentationi, nihil ventosæ ambitioni, nihil tumidæ  
arrogantiæ relictum. Eoque hoc decus est admirabilius,  
quò rarius: quippe alias eā scabie fortunatum laborat in-  
genium, vt quò potentia floret ampliore, eò ardentiore  
febri & prurigne corripitur insolescendi. Vix enim cur-  
quam contigit, & abundare fortuna, & indigere super-  
bia. Hæc vt semel blandissimo veneno mentem, relega-  
ta ratione, fascinauit, nihil superest, quàm vt se solum su-  
pra ceteros mortales euectum, diuisque parem, & vt for-  
tunæ indulgentia eminentem, sic animi bonis, quorum  
sapè nec vestigium, vel ipse Argus oculus deprehende-  
rit, ferocientem ostendet. A modestia deflectit pruden-

tia<sup>2</sup> Tuæ Gnomon ad vmb<sup>am</sup> comitatis designandam.  
Nihil Tibi ad amplificandum decorē obfuit, exoticos &  
alio Sole callentes orbes adire; qui virtutes potius guber-  
nationi subditorum necessarias, aliaque Reipublicæ ad-  
iumenta tractandæ, suppeditarunt. His præsidijs Te ad  
Rēpublicam adeuntem, ea excepit & prosecuta est pro-  
speritas; vt summorum quorumuis in Repub. virorum  
Tibi animos, atque propensam conciliaret voluntatem.  
Postquam enim Te Ecclesia Trzemesnensis Abbatem,  
Gnesnensis Suffraganeum, in frequentissima Nobilissi-  
morum Ordinum latitiâ, ad Reipublicæ salutem excepit,  
& lætabunda salutauit, ad Cleri vitam & mores, ad pi-  
etatem Religiosorum instaurandam, Te accinxisti. An  
Ecclesiæ res sint integræ: an laudis Diuinæ officia debi-  
tè peragantur, per Te ipsum inquirere non cessasti; quoad  
amissa restituerentur, neglecta excitarentur, squallida in  
decorem redirent, confusa ordinem acciperent. O An-  
tistitem illis regionibus omni seculorū æuo, non tantum  
optandum, sed ardentibus quoque votis à Deo Optimo  
Maximo expetendum. Vigebunt illa Tua in Trzeme-  
snen. Ecclesia merita; audientur præclara gesta; celebra-  
bitur summa in Ecclesiam Gnesnen. pietas, nec vlla vn-  
quam atas Tuas Legationes, qua à Sapientissimo Re-  
ge VLADISLAO IV. cum Romam ad Sanctissimum Vr-  
banum VIII. tum Viennā ad Imperatorem Romanum  
potentissimum Ferdinandum II. in negotio graui dele-  
ctus, laudabiliter functus es, conticescet. Ea tamen, quæ

vt verus



vt verus Præful in Abbazia, Suffraganeus in Dioecesi Gne-  
sensi præstitisti, in orbe Sarmatico efflorescent quoti-  
diè: eò magis, quo anima corpori, spiritualia tempora-  
libus, diuina humanis plus præstant. Tanta de Ecclesiæ  
Dei meritorum laude circumfusus, ad altiore in Repub.  
amplitudinis gradû, nedum cogitans, magno cum hono-  
re inuitaris. Præclarum hic duarum de Te Ecclesiarum,  
ac Tui Tecum certamen spectat Polonia. Altera Tuæ cu-  
ræ dexteritate, instaurata, & aucta Te retinere: Altera  
quantotius gremio suo accipere, ac Tuarum virtutum  
Sole, collustrari, omni contentione exposcit. illa partæ  
gloriæ, oblectamenta præsentia suggerit: hæc Maiorum  
cumulandorum segetem proponit. illa vt meritorum fru-  
ctu, conquiesceres: hæc ne virtuti ad maiora nata, ini-  
quior, vim inferre videaris, hortatur. Et forsân ad hæc  
animum aduertenti, succurrebat, securius esse, laude cer-  
tâ ac præstantissimâ delectari; quàm spe maioris, hume-  
ros grandi oneri, submittere. Parendum tamen fuit vo-  
cationi Diuinæ: mos patriæ expectationi gerendus: non  
Clericis, nō Nobilium desideria frustranda. Quamobrè ma-  
ius quid, & sublimius, animo, agitare incipiens, & digna  
Tuo pectore, mentē complexus, Summo Numini, huma-  
nis optatis, non inficiatus, omni remissione animi, post-  
habita, in sublimē Episcopatus Luceorien. fastigium, in-  
genti applausu hinc atque hinc, studiis concursantibus,  
incredibili gaudio omniū, inueheris. Fælix Tua Virtus  
Illustrissime Præful; euadens in hæc dignitatum culmina,

tam insigni, atque secundo cursu, quem inuidia non est  
rethorata. Fortunatos nimium et ues, qui Te nunc velut  
præfens, & salutare lumen, venerantur, suspiciunt, & gau-  
dent vehementer, quod Episcopum, non modo oratio-  
nis splendore, iuris diuini interpretem, virtutis & uero-  
rum arbitrum, æternorum suppliciorum denunciatores,  
cælestis gloriæ præconem, sed Ducem & Auctorem vita  
& exemplo habituri sunt. omnesque certis in Deum ani-  
mis vouent, breui Te, propitio Deo effecturum, & sancti-  
tatis & eruditionis celebritate, ut non modo Roxolani,  
superstitionum tenaces, Schismatis à maioribus accepti  
acres propugnatores; Sed Hæretici etiam, pernicioso er-  
roris situ relicto, veram Orthodoxam fidem amplectantur.  
Ut enim Sol radios à medio ad omnes plagas, ita Tu è lo-  
co sublimium virtutum Tuarum, ad varios hominū status  
salutaris doctrinæ fructus laudabiles protendis. Horum  
omnium vota in Tuam salutem collata, concessorū à Di-  
uina clementia munerum, florentissimam iunctis copiis  
perpetuitatem, in Orbe Sarmatico virtutis ac scientiæ  
peruetustum Gymnasiū vouet: Et augurijs suis omnibus  
que certatim fulgis, hac Soteria Tua prosequitur. Quare  
Illustrissime Antistes, qui tantum hucusque Ecclesiæ ac  
Reipublicæ sapientia profuisti: qui de vicaria cæli Sede,  
Serenissimo Rege tantum es promeritus; eandem pro-  
merendi voluntatem, in Academia, in hac Regiâ D. la-  
gellonis Vladislai II. ac Hedwigis, beneficentiæ sobole  
nutrienda, fouenda, ornanda velis occupare, ut autem

Tuorum



Tuorum in Academiam meritorum memoria nunquam  
moritura maneat, aduoluta sacris Altaribus, conceptis-  
que votis exoptat, sit honos hic Tibi in primis saluti, Ec-  
clesiae Dei honori, Reipublicae Polonae ornamento: &  
in posterum indictis Tuo nomine supplicationibus, hac  
eadem, ut Tibi integra ac perpetua seruet Deus, Opti-  
mosque vitae dies largiatur, fusis ad Deum  
Optimum Maximum ex animo, preci-  
bus exoptabit.

D I X I



Dixi. Tuorum in Academiam meritorum memoria nunquam  
moritura maneat, aduoluta sacris Altaribus, conceptis-  
que votis exoptat, sit honos hic Tibi in primis saluti, Ec-  
clesiae Dei honori, Reipublicae Polonae ornamento: &  
in posterum indictis Tuo nomine supplicationibus, hac  
eadem, ut Tibi integra ac perpetua seruet Deus, Opti-  
mosque vitae dies largiatur, fusis ad Deum  
Optimum Maximum ex animo, preci-  
bus exoptabit.


*Sub felicibus auspicijs Admodum Reuerendi ac  
Magnifici Domini*

**D. ALBERTI BOROVII, S. Th.**


*Doct: & Profess. Eccles: S. Floriani Custodis, &  
Vniuersitatis Cracouien. Generalis*

**RECTORIS.**












R. 3



848864 Bibliotheca 28 000,-  
P.P. Camaldulensium in Bielany

Depozyt w Bibliotece Jagiellońskiej



03947

K.VI.6

